

Sunday, August 30, 2026

Time - 2:30pm - 2:35pm

AKASHVANI AIZAWL
REGIONAL NEWS UNIT

REGIONAL NEWS BULLETIN
(MIDDAY)



LAWNGTLAI TOWN

Lawngtlai Bawrhsap Pu Donny Lalruatsanga leh LADC a Chief Executive Member (CEM) Pu C.Lalsawmzuala te'n nimin khan Lawngtlai khawpui chhunga hmasawna hnathawh thenkhatte an tlawh.

Lawngtlai khawpuiin kawng hrang hranga hma a sawn theih na'n kil hrang hrang atangin beihpui thlak a ni a. District Administration leh LADC tangkawp chuan Tho Law Dir Tuah (Stand Up Lawngtlai) hnuaiah bawlhhlawh paihna hmunte chu bawlhhlawh awm lohna ah siamin, thut chawlhate siam a ni a. Damdawiin hung pawnah meizu thinte tan hmun siamsakin, kawngpui pawimawh lai-ah kawng then hranna te siam a ni bawk. Banakaih hnuai a District Catalytic intervention Plan hnuai-ah hmun pawimawh kawhhmuhnte tar in, Thlalakna hmanga khawpui vilna (CCTV) hmun pawimawh zualah vuah a ni a, he hmalakna hnuaiah hian thildang tamtak kalpui a ni bawk.

Veng hrang hrang ten faina leh thianghlimna bakah inrelbawlna felfai zawk an neih theih nan intihsiakna Bawrhsap Award siam a ni bawk a, Kohhran Thalai te tan faina lama inelna CEM Award kalpui mek a ni bawk. Bawrhsap leh CEM chuan Lawngtlai khawpuiin hmeh thar a hmu chho mek chu lawmawm an tih thu an sawi a, Sorkar leh mipui tanhona in rah tha a chhuah zel an beisei thu an sawi bawk a ni.



ATMA

Agricultural Technology Management Agency (ATMA), E. Lungdar Block, Serchhip District hmalaknain N. Vanlaiphai leh Chekawn khua-ah nimin khan Sangha vulh leh enkawl dan,Demonstration leh Farm School Programme buatsaih a ni.

Fisheries Extension Officer Pi Janet Lalawmpuii Chawngthu chuan leileta sangha khawi leh buh chin kawp dan kuthnathawktute a zirtir a; chawhma lamah N. Vanlaiphai-ah 'Paddy Cum Fish Culture' tih thupui hmangin kuthnathawktute chu buh leh sangha inchawm tawn dan zirtir an ni a, Common Carp note 2,000 leilet buh tui tlinna-ah chhuah a ni bawk. Chawhnu lamah Chekawn-ah 'Duck Cum Fish Culture' tih thupui hmangin sangha vulhtu mi 15 te hnenah Varak ek hmanga sangha chawm leh enkawl dan zirtir an ni a. Pu Lalinmawia dil-ah Indian Major Carp (Rohu) note 700 chhuahin, varak note leh varak in sakna tur tanpuina hlan nghal a ni bawk.

Pu Vanlaihruaia leh Pu Lalengvara, Chekawn khuate dil-ah 'Culture of Indian Major Carp' tih thupui hmangin Demonstration kalpui chhunzawm leh a ni a, Indian Major Carp (Rohu) note 1,400 chhuah a ni bawk a ni.



PRISON

Home Minister Pu K Sapdanga’n Central Prison & Correctional Home leh District Prison & Correctional Home sak that leh chei that hna thawh mek a ni a ti a, SASCI atang cheng vaibelchhe 55 dawn a ni a ti.

Assembly Fur thutkhawm zawh taka Home Minister Pu K Sapdanga’n Pu Lalmuanpuia Punte zawh belhna a chhanna-ah Central Prison & Correctional Home leh District Prison & Correctional Home thawmthat leh chei hna thawh mek a ni a ti a. Hmun thenkhat a hnathawh mekah building thiat a sak that leh te a awm nual a ti a. Tunah hian tanin pasarih sak mek a nih thu leh, hnathawh kallai mek thenkhat chu zawh thawkhat tawh ani, ati.

Pu K Sapdanga chuan Central Prison & Correctional Home a dah theih zat hi tihpun tum mek a ni a ti a. Tang dah theih zat hi a pung viau dawn tih bak chu a zat tak tur erawh sawi theih a la ni lo niin a sawi bawk.



FISHERIES

Phai lam sangha eitur Mizorama lo lut hi chawhrualin nitin quintal 34 leh kg 30 vel ni a chhut a ni.

Assembly fur inkhawm zawh taka ZPM member Pu VL Zaithanzama zawhna ziaka a chhanna-ah Fisheries Minister Pu Lalthansanga chuan State dang atanga sangha eitur lo lut te hi a him tawk em tih endikna tur, Fisheries Department leh Health & Family Welfare Department (Food and Drug Administration) tangkawp chuan ‘Standard Operating Procedure (SOP) for unsafe import of Fish to Mizoram’ (Mizoram Sangha lakluh a him leh him loh endikna tur a thil tih tul te) tih chu a

buatsaih mek a, hei hian nasa takin Mizoram-in sangha thianghlim leh him chauh a lakluh theihna turin a pui dawn a ni, a ti .



MUHCS

Mizoram Universal Health Care Scheme (MUHCS)-a inziaklut chu mi nuai 3, sing 2, sang 2 leh 243 an ni.

Assembly fur inkhawm zawh taka Pu Jeje Lalpekhlua zawhna ziaka chhangin Health Minister Pi Lalrinpuii chuan MUHCS 2.0 hnuaia hmang tangkaitu tur chhungkaw inziak lut te chu mipui nawlpui (General category) chhungkaw 48,091, sorkar hnathawk 35,325, pensioner 11,928 leh AB PM-JAY mi nuai 2, sing 2, sang 6 leh 899 an ni a ti a, MUHCS 1.0 (2025-26) chhung khan MUHCS sum hmangin damlo nuai 1, sang 8 leh 518 enkawl an ni a, tuna hman mek MUHCS 2.0 ah hian kumin August ni 24 thleng khan damlo 31,832 enkawl an ni tawh an ni.



MANN KI BAAT

Prime Minister Narendra Modi-a’n ruihhlo atanga thalaite fihlimna, ram changkang, Nasha-mukt Yuva for Viksit Bharat beihpui thlak mek chu ramchhung hmun hrang hrangah uar taka kalpui chhoh zel a ni, a ti.

Vawiin Akashvani-a Mann Ki Baat hun a hmanna-ah he thu hi sawiin Prime Minister chuan thalaite, ruihhlo atanga an fihlim theihna tur leh ruihhlo awm lohna rama India siam tuma beihpui thlakna chu mi tam tak, a bikin thalai rualin an zawm belh zel a ni, a ti a, tih dan phung pangngai ang ringawta kalpui a ni lo chu a lawmawm tak zet a ni, a ti.

